

ЎЗБЕКИСТОН РЕСПУБЛИКАСИ
ВАЗИРЛАР МАҲКАМАСИНИНГ
ҚАРОРИ



ПОСТАНОВЛЕНИЕ
КАБИНЕТА МИНИСТРОВ
РЕСПУБЛИКИ УЗБЕКИСТАН

, 20 “ октября 2017 й. г. № 857

Тошкент ш. – г. Ташкент

**Кам таъминланган оилаларни бандлик билан таъминлаш учун
тижорат банклари томонидан микрокредитлар ажратиш тартиби
тўғрисидаги низомни тасдиқлаш хақида**

Ўзбекистон Республикаси Президентининг “Аҳолининг кам таъминланган қатламларини қўллаб-куватлашга оид қўшимча чора-тадбирлари тўғрисида” 2017 йил 12 сентябрдаги ПҚ-3268-сон карорига асосан муайян меҳнат турлари билан шуғулланиш истагида бўлган кам таъминланган оилаларга микрокредитлар ажратишнинг самарали механизмини яратиш мақсадида Вазирлар Маҳкамаси қарор қиласди:

1. Кам таъминланган оилаларни бандлик билан таъминлаш учун тиҷорат банклари томонидан микрокредитлар ажратиш тартиби тўғрисидаги Низом иловага мувофиқ тасдиқлансин.

2. Муайян меҳнат турлари билан шуғулланиш истагида бўлган кам таъминланган оилаларга уларнинг оилаларини етарли даражада таъминлаш имконини берадиган имтиёзли шартлар асосида микрокредитлар ажратувчи тиҷорат банкларини Ўзбекистон Республикаси Марказий банки белгилаб бериши маълумот учун қабул қилинсин.

Ўзбекистон Республикаси Марказий банкига муайян меҳнат турлари билан шуғулланиш истагида бўлган кам таъминланган оилаларга имтиёзли шартлар асосида микрокредитлар ажратувчи тиҷорат банклари белгилангандан сўнг, уларнинг рўйхатини оммавий ахборот воситаларида кенг ёритиш тавсия этилсин.

3. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари Ж.А. Кўчқоров зиммасига юклансин.

Ўзбекистон Республикасининг
Бош вазири



А. Арипов

Вазирлар Махкамасининг
2017 йил 20 октябрдаги
857-сон карорига Илова

**Кам таъминланган оилаларни бандлик билан таъминлаш учун тижорат
банклари томонидан микрокредитлар ажратиш тартиби тўғрисидаги
Низом**

1-боб. Умумий қоидалар

1. Ушбу Низом муайян меҳнат турлари билан шуғулланиш истагида бўлган кам таъминланган оилаларга уларнинг оилаларини етарли даражада таъминлаш имконини берадиган имтиёзли шартлар асосида микрокредитлар ажратиш тартибини белгилайди.

2. Ушбу Низомда куйидаги асосий тушунчалар кўлланилади:

қарз оловчи – Ўзбекистон Касаба уюшмалари Федерацияси, “Маҳалла” хайрия жамоат фонди, Коракалпогистон Республикаси Вазирлар Кенгаши, вилоятлар ва Тошкент шаҳар ҳокимликлари, шунингдек тижорат банкларининг масъул ходимларидан ташкил топган ишчи гурӯҳ томонидан шакллантирилган рўйхатга киритилган муайян меҳнат турлари билан шуғулланиш истагида бўлган кам таъминланган оиланинг вояга етган аъзоси;

банк – Ўзбекистон Республикаси Марказий банки томонидан белгилаб берилган, қарз оловчиларга микрокредитлар ажратадиган тижорат банки.

2-боб. Микрокредитларни ажратиш шартлари

3. Микрокредитлар қайтаришлиқ, тўловлилиқ, таъминланганлик, муддатлилик ва мақсадли фойдаланиш шартлари асосида ушбу Низомнинг иловасида келтирилган схемага асосан берилади.

4. Микрокредитлар қарз оловчиларга:

тикув машиналари, матолар ва бошқа сарф материаллари, косибчилик фаолияти учун инвентарлар, майший, компьютер ва бошқа техникалар, шунингдек, меҳнат билан бандликни таъминловчи бошқа асбоб-ускуналар харид қилиш;

шахсий томорқа участкаларини ривожлантириш (кичик-иссиқхоналар барпо этиш, чорва моллари, парранда сотиб олиш, оғилхона ва товуқхона қуриш, боғдорчилик инвентарлари ва асбоблари харид қилиш) мақсадлари учун ажратилади.

5. Микрокредитлар банклар томонидан қарз оловчиларга энг кам иш хақининг 100 баравари миқдоригача йиллик 4 фоиз ставкада ажратилади.

6. Қарз оловчиларга микрокредит қайтариш муддатини узайтириш хуқуқисиз, б ойгача бўлган имтиёзли давр билан, З йилдан кўп бўлмаган муддатга банк кредит кўмитасининг белгиланган тартибда расмийлаштирилган қарори асосида берилади.

3-боб. Микрокредитларни расмийлаштириш тартиби

7. Микрокредит олиш учун қарз оловчи томонидан банкка куйидаги хужжатлар тақдим этилади:

мазкур Низомнинг 5-бандида назарда тутилган мақсадлар учун микрокредит сўралган ҳолларда қарз оловчидан томорка участкаси мавжудлиги кўрсатилган ўзини-ўзи бошқариш органлари томонидан берилган маълумотнома;

микрокредитни қайтаришнинг таъминланиши тўғрисида хужжат.

8. Микрокредитлар қайтарилишининг таъминоти сифатида банкка куйидаги таъминот турларидан бири тақдим этилади:

мол-мулк гарови;

тижорат банки ёки суғурта компанияси кафолати;

учинчи шахс кафиллиги;

қарз оловчидан олинган микрокредитни қайтармаслик хатарининг банк фойдасига суғурта қилингандиги.

9. Қарз оловчидан мазкур Низомнинг 7-бандида назарда тутилган тегишли хужжатларни топширишда ўзининг шахсини тасдиқловчи хужжатини кўрсатади ҳамда ундан нусха тақдим этади.

10. Микрокредит сўраб, мазкур Низомнинг 7-бандида кўрсатилган барча зарур хужжатлар илова қилинган ҳолда берилган ариза банкка келиб тушган кундан бошлаб, банк кредит қўмитаси томонидан ушбу ариза бўйича карор қабул қилиш муддати 3 иш кунидан ошмаслиги лозим.

11. Микрокредит бериш асослантирилган ҳолда рад этилган тақдирда, банк аризачига бу ҳақда кейинги иш кунидан кечиктирмаган ҳолда ёзма шаклда маълум қилиши шарт.

4-боб. Микрокредитларни ажратиш ва уларни қайтариш тартиби

12. Микрокредитлар қарз оловчининг ссуда ҳисобварагидан унинг тўлов топшириқномасига асосан, кредит шартномасида белгиланган мақсадлар учун тегишли ташкилотларнинг банкдаги талаб қилиб олингунча депозит ҳисобварагига пул ўтказиш йўли билан амалга оширилади.

13. Қарз оловчиларга берилган микрокредитлар ҳисоби алоҳида белгиланган баланс ҳисобваракларида юритилади.

14. Қарз оловчидан микрокредит ҳамда унга ҳисобланган фоизларни нақд пулда, банк пластик карточкалари орқали ёки қарз оловчининг омонат ҳисобварагидан пул ўтказиб бериш йўли билан тўлаши мумкин.

15. Банк томонидан микрокредитдан фойдаланишнинг муддати давомида фуқаролар йигини ходими иштирокида микрокредитдан мақсадли фойдаланилаётганлигини аниклаш бўйича бевосита жойига чиқиб, доимий мониторинг ўтказилади.

16. Олинган микрокредитдан бошқа максадда фойдаланилганлик аникланган тақдирда, банк кредит шартномасида белгиланган тартибда микрокредитнинг мақсадсиз ишлатилган қисмини қарз олувчиidan муддатидан илгари ундириб олиш хукуқига эга.

17. Микрокредитлар бўйича қарздорликни ундиришда биринчи навбатда микрокредитдан фойдалангандлик учун фоизлар ундирилади.

18. Микрокредит белгиланган муддатларда қайтарилимаган тақдирда, банк ундирувни қонун ҳужжатларида белгиланган тартибда микрокредитнинг қайтарилиш таъминоти сифатида тақдим этилган таъминот турига қаратади.

5-боб. Якуний қоида

19. Ушбу Низом талабларини бузишда айбдор шахслар қонун ҳужжатларида белгиланган тартибда жавобгар бўлади.



Кам таъминланган оилаларни
бандлик билан таъминлаш учун
тижорат банклари томонидан
микрокредитлар ажратиш тартиби
тўғрисидаги Низомга
Илова

**Кам таъминланган оилаларни бандлик билан таъминлаш учун
тижорат банклари томонидан микрокредитлар ажратиш
СХЕМАСИ**

Босқич	Субъектлар	Тадбирлар	Муддат
1-босқич	Ўзбекистон Касаба уюшмалари Федерацииси, “Махалла” хайрия жамоат фонди, Қорақалпогистон Республикаси Вазирлар Кенгаши, вилоятлар ва Тошкент шаҳар ҳокимликлари	Ишчи гурух томонидан шакллантирилган кам таъминланган оилаларнинг вояга етган аъзоси кўрсатилган умумий рўйхат банкка тақдим этилади.	хафтанинг иш кунларида тақдим этилади
2-босқич	Ўзбекистон Республикаси Марказий банки, тижорат банки	Жамланган рўйхат бўйича Ўзбекистон Республикаси Марказий банки билан келишган ҳолда етарли пул маблағларини шакллантиради.	бир иш куни ичida
3-босқич	Тижорат банки	Жамланган рўйхат бўйича микрокредитлар ажратиш учун кам таъминланган оилалардан аризалар қабул қиласди.	хафтанинг иш кунларида тақдим этилади
4-босқич	Тижорат банки	Кам таъминланган оилалардан микрокредитлар олиш учун тижорат банкига келиб тушган аризаларни банк кредит кўмитасида кўриб чикиб, микрокредит ажратиш бўйича карор қабул қиласди.	уч иш куни ичida
5-босқич	Тижорат банки	Карз олувчининг ссуда хисобварагидан унинг тўлов топширикномасига асосан, кредит шартномасида белгиланган максадлар учун тегишли ташкилотларнинг банкдаги талаб қилиб олингунга қадар депозит хисобварагига пул ўтказиш йўли билан ўтказиб беради.	бир иш куни ичida